

提
牢
備
考

提牢備考卷三

制隨時變拘泥匪通法賴人行維持乃久顧未究其所以然勿遽謂化裁盡善也古人云不習爲吏視已成事又云前事不忘後事之師爲官皆然豈爲提牢而能外是哉輯章程考

領米事宜單

一每領米前四十日司獄司具呈提牢回堂標畫付交陝西司辦先行稿約八日飭吏將文冊投送戶部陝西司辦稿割行內倉約十二日司獄司出具印領飭吏持赴戶部領出勘合標畫堂凡知照內倉定

期 堂派司獄一員廳派頭役二名更夫四名至期赴倉關領

一滿漢提牢各覓老靠米舖一二家酌發給粗米百石或數十石每石得細米百觔有奇秋後要米人犯十日一放每名十觔飯夫煮米前日晚間發給每名一觔所餘之米每日酌煮三四觔散給飯後新收人犯

一散飯時用圓木一根飭官人每杓量平

一廳上舊火印斛一隻火印斗一隻樣杓一把新製大米櫃二箇大秤一桿斗一隻升一隻斗量一根飯筒二箇布袋四條水牌一面

一飯頭刑寬業經革退嗣後煮飯每季換更夫一名承充付知司務廳如有尅扣情事立即更換以防日久把持

一放米前一日將名數查清以防濫領

現在秋後人犯仍領米不領飯

道光三十年提牢廳謹錄

此章程惟第一條第三條與現行事相同餘均不合然第五條更換飯頭之處雖不能按季屢易如有煮飯不熟量杓不滿及尅扣各情事輕則責罰重則隨時更換可也

提牢廳各項事宜

一 每次領囚糧叁百石付陝西司行文戶部赴內倉支

領脚價銀拾叁兩陝西司辦稿呈 堂付庫支領每

年領肆伍次不等歸奏銷

一 每日與監犯煮飯用煤壹百觔付陝西司行文工部

按每月支領折給銀伍兩柒錢

一 每月監犯鹽菜銀捌兩禁卒燈油銀陸兩病房煤炭

銀貳兩書吏紙張銀壹兩呈 堂付庫支領歸奏銷

一 每年立夏後各監口更換蘆蓆銀拾兩呈 堂付庫

支領歸奏銷

一 每年自五月初一日起各監犯散給冰塊共用拉冰

車價銀拾捌兩呈

堂付庫支領

歸奏銷

一夏月各監口薰燒蒼朮栢枝銀拾貳兩捌錢呈 堂

付庫支領

歸奏銷

一每月各監用藥價銀貳拾兩呈

堂付庫支領

歸奏銷

一醫士每月飯銀各貳兩按季呈

堂付庫支領

歸奏銷

一醫士每季應領米折銀各伍兩零按二次付福建司

呈 堂赴戶部支領

一每年各監添買大碗壹百叁拾個價銀壹兩九錢伍

分呈

堂付庫支領

歸奏銷

一每年 朝審後併監看守情實人犯所需燈燭薪水

菜蔬等項呈 堂批給銀柴捌拾兩不等付庫支領

歸隨時支領 併監即所謂現監也 勾到前一

日現監為諸死囚飲食宴樂向不惟雜人來往須

屬頭役稽查是日午時提牢先在南監獄廟拈香迨

夜間子正方在北監獄廟焚獻時值冬令寒風慘澹

紙灰亂飛四屋

闕寂境象淒然

一每年情實人犯 勾决後賞禁役等銀壹百壹貳

兩不等呈 堂付飯銀處支領歸隨時支領

一派帮班司獄並禁役押解人犯赴 圓明園候訊帶

班司獄每日每員給車飯銀伍錢禁役人犯每日每

名飯銀壹錢犯人每車壹輛價銀叁錢赴都虞司每

車壹輛價銀壹錢貳分呈 堂付飯銀處支領兩監押解

人犯相驗禁役犯人每月每名飯銀壹錢車輛價叁錢付飯銀處支領今無此項

一每月監犯茶水銀拾兩添買煤炭煮飯銀貳拾兩付

飯銀處支領歸月例

一飯頭每月添買器具銀伍兩陸錢付飯銀處支領歸月例

一兩監司獄八員每月飯銀叁拾貳兩付飯銀處支領

按月同各司飯銀發

一病房調理病犯粥米等項銀每月貳拾肆兩付飯銀

處支領歸月例

現在監中並無病房庫中仍按月發欸不知由何

時將名目塗竄爲單衣藥引以致欸項淆混徒資
中飽近來體恤病囚諸事皆出提牢自辦雖年獲
友朋捐助究難爲繼且恤囚爲刑部要務常在外
託鉢亦屬非體聞現任提牢熊再卿起礪會同庫
官景彬卿文陳雅農惺駟議定嗣後此欸發出由
庫官親交提牢不經書吏手廳內有此卽無捐項
已不虞辦公無出在熊公不避一身嫌怨景陳二
公不憚一時煩勞爲監獄施惠無窮後任君子坐
享其成切勿易視也蓋提牢欲有惠政無財實不
可爲濮公提牢瑣記後一段言之詳矣今以署中

常有之欸辦監內應爲之事庶可經久惟庫銀來不及時常有數月無放項者而提牢任有定期若將前任用欸歸後任承領轉多輻輳如能定一章程於新漢提牢到任時具稿回堂預支此欸滿年全數爲一任恤囚費用滿漢提牢公立一簿用項逐欸登記事非恤囚不得動一錢所用惟早晨收犯給餅兩宗最要交代時舊提牢算清畫押將簿存廳備核似此稍加變通於領款無所增於提牢實有益也姑存斯議以俟後之留心監獄者

一本廳值宿每月飯銀拾伍兩茶水銀叁兩付飯銀處

支領

按月同各司飯銀發

提牢備考卷三

五

一兩監辟瘟香料每月價銀叁兩付飯銀處支領

歸月例

一醫士二名每月幫帖每名銀壹兩付飯銀處支領

歸月例

例

一每年冬季各監口鋪草苫用京錢壹百柒捌拾千文

由捐衣項撥給

一每年夏季修理橋堦銀肆兩津貼抬搭橋堦銀陸兩

伍錢呈堂付飯銀處支領

歸隨時支領

一由提督衙門派撥五營弁兵巡邏兩監計官十員兵

八十名每月每員名津貼銀叁錢共領銀貳拾柒兩

付飯銀處支領

歸月例

光緒伍年二月二十八日錄

本部飯銀庫放欸分三等一曰奏銷一曰月例一
曰隨時支領奏銷及隨時支領二欸有時全放有
時不放及放一半不等惟月例之欸按月必放廳
內月例項下合醫士飯食囚糧經費粥茶湯菜避
瘟香料各欸計之共銀六十四兩六錢庫發實銀
五十一兩六錢八分

此欸領下從前歸一茶房經理前任漕公將茶房驅逐現

歸書吏經手

弁兵津貼銀二十七兩亦係月例除放弁

兵外餘欸些須歸入零用

弁兵每晚總有不此數名故有餘

此外

尚有蘿葡薑湯一欸

每年領銀一百零一二兩不

等係歸奏銷項下事宜內漏未列入

第七條藥價銀係指監犯所用丸散湯劑諸藥

香料另款除湯藥現時買取外須飭吏將梅花點

舌丹萬應錠紫金錠蟾酥錠痧氣靈丹萬應丹卧

龍丹七厘散諸藥常預儲廳內以備急用管庫者

亦可將此項每年必發三數月以其非盡無著也

犯服湯藥須時查問非更夫遲延跌打金瘡諸藥

不速買即買回本屋不速煎也關係尤要更須多配附錄極驗三方金瘡藥方生

白附子十二兩白芷一兩天麻一兩生南星一兩

羌活一兩防風一兩以上六味不見火共研細末

治一切金刃木器跌損諸傷數破處即愈傷重或
內傷者用黃酒調服一二錢不避風不忌口又
被打方荊芥黃蠟魚鱗炒黃各五錢艾葉三凡入
無灰酒一碗重湯煮一炷香熱飲之汗出立愈百
曰內不得食雞肉又方桂元核去光皮研細末
破處乾糝腫處用燒酒調敷乾則以酒潤之首方
風不忌口尤宜
犯用須多配

本部南北兩監酌定防範事宜律例館奉 堂諭查
本部南北兩監額設滿漢司獄晝夜輪流該班管理
人犯原立稽查章程本爲周密近有絞犯董其書謀

殺同監人犯一死兩傷一案實屬從來未有之事皆由司獄等平日稽查廢弛經理失宜所致著派提調等將兩監稽查事宜秉公妥議等因遵即悉心妥議稽查防範事宜相應開單呈

堂閱定存案

道光六年館議

計開稽查南北兩監事宜十條

一監犯內如有彼此口角挾有嫌隙者責成司獄督令該禁卒回明提牢廳將該二犯均另調別監倘該禁卒有心徇隱即行責革

一禁卒內有年力已衰及尙未成丁或患病聾聵者責成司務廳於每月點卯時查明更換

一兩所男犯各分四監每監值班禁役額定四名該頭役等往往因散役偶有患病等事即止令三人值班不足以昭慎重嗣後如禁卒不敷四名額數責成司獄飭令頭役回明提牢廳另調別班補足

一兩監禁役喫飯時向定章程必須向司獄報明領取名牌始行放出內圍飯後仍將原牌交司獄收存該禁役即歸本班現在該禁役等間有不遵舊章者應責成司獄隨時稽查整頓

一現審人犯各司白日提審時向係幫班禁役等押帶至申刻以後該禁役等即各散去夜間提審即係本

屋住宿禁役押帶以致本屋乏人看守嗣後各司遇有夜間熬審案件須於當日午刻預先移付提牢廳以便酌留班禁役夜間押犯

一各監收封後禁役分更看守責成司獄不時前往稽查如禁役稍有懈弛之處即回明提牢廳分別責革一兩監更夫向分內外圍鳴鑼擊柝巡邏防夜每日封門時由內司獄點名近來司獄仍循舊規每日查點更夫分內外圍惟更夫等於點名後往往乘間走出夜間或留二三人於頭二更鳴鑼巡走二次迨三更後偶遇風雨竟至寂然無聲殊屬膽玩嗣後責成

提牢率司獄細心訪查如有前項情弊嚴加懲辦

一司獄向係正班人員在內廳值宿如正班遇有患病

等事卽令幫班司獄代爲值宿近有正班司獄輪應

上班時動以患病有事推諉而幫班之員亦彼此觀

望抗不接班臨時未免周章嗣後無論正班幫班人

員如實係患病有事均須先期一二日呈明提牢不

得於知會到日將有事緣由批寫知會帶回倘仍前

因循提牢廳卽據實回堂叅辦

近來司獄無幫班

一律例內關係監獄各例應令提牢廳另行摘錄詳加

查察毋得日久懈生其現議章程如有尙未詳盡之

處責成現任提牢司員隨時回堂再行酌議

一現議章程有責成司獄遵辦者如不肯實力奉行或辦理未臻詳慎提牢司員即回堂分別核叅

按所議俱係實在情形妥密之至刑案滙覽載入刑部事宜廳內竟不知有此章程似應刻板收存同後約束禁卒規條每年提牢上任時刷印標示一次以新耳目而申警戒

第九條所稱例內關係監獄各例應令提牢廳另行摘錄等語與想現所輯條例考用意相合爾時提牢是否遵辦無從查考亦可見後人想到之事

前人均早見及也

同治二年五月二十日清檔房傳奉 堂諭向來南北兩監每監各分四屋其逐日新收人犯如某監人少則點收某監以示均勻近聞該司獄於收人時並不率循舊章任意撥補難保無串同監犯等賄買入監希圖索詐情事嗣後南北兩監均設立掣籤條規責成提牢廳督飭該司獄等務當恪遵辦理以除積習倘有私自更換調撥及前項等弊一經察出定將該司獄嚴叅懲辦決不姑寬該提牢官亦當隨時察勘勿得徇隱干咎著將此諭并所定規條傳諭提牢

廳照繕二分懸掛南北兩監司獄處可也特諭

今將規條列後

一兩監均設一鐵箒置鐵四枝頭貳叁肆各寫一枝共入一箒每於收人時令其自掣一枝照鐵點收俟掣完後一并將鐵入箒照此輪轉

一各監每日開除人數不齊如某監開除太多比別監人數少至十人以上即將所收人犯不用掣鐵儘數補足十人補齊後仍復照常如某監開除甚少比別監人數多至十人以上即將某監之鐵暫爲撤出封記俟別監補齊後仍將鐵入箒但必須多寫在十人

以上方准照此辦理未過十人者不准

一間有同案要犯須隔別收者先令一犯掣鐵如鐵係頭監同案之犯仍有掣頭監者則將此鐵暫放一邊令其再掣俟同案掣完將前掣出之鐵仍入箒內如非同案及尋常各犯以一掣爲定不准再掣

一各司間有批明調收之犯如係南北二犯對調卽以某犯調出之監收調來之犯如係一犯單調卽於調到時仍令掣鐵照收倘所掣之監已有同案要犯仍照前調再掣亦無庸另調一犯補前所收之監至本監內有調改屋者均照此辦理

向來南北兩監每監各分四屋其逐日新收人犯如某
監人少則點收某監以示均勻乃該司獄等並不遵循
舊章任意調撥恐有串同監內人等賄買圖詐情事當
於同治二年設立掣籤條規業經諭令提牢廳照繕二
分懸掛南北兩監一體遵行在案惟近聞該司獄等日
久生懈奉行不力且南監司獄與監口相隔甚遠難保
無私自更換調撥等項情弊嗣後每遇新收人犯著傳
諭該提牢廳督飭該司獄親赴獄神廟前眼同四監禁
役人等按照前定規條令該犯自掣一枝照籤點收倘
該司獄等不遵規條任意撥補一經查出定指名嚴叅

決不姑寬將此諭並前定條規照繕懸掛獄神廟前
各宜凜遵特諭

同治八年十二月二日
十五日清檔房傳

此專為防司獄收犯而設然司獄之獎固從此絕
而司獄之權亦從此輕提牢待司獄須以禮貌遇
事相商以收指臂之助且吏役等知內外廳聯為
一氣自不敢肆然無忌為司獄者亦當矜惜廉隅
古人云一命之士苟存心於愛物於人必有所濟
觀梁東山先生之事有志者可奮然起矣

東山先生事見

後咸豐元年議復御史宗稷辰分別收禁人犯一

摺事涉提牢類附於此以備參核原奏內稱為遵

三
目察核具奏事咸豐元年十月十六日奉

上諭御史宗稷辰奏刑部當月官收禁現審人犯
請與提牢會商酌辦等語有無窒礙之處著刑部
察核具奏欽此遵查該御史原奏內稱刑部當月
人員遇有步軍統領衙門與五城送部案犯及干
連人等憑該司員定其當收與否分別收監差帶
以待次日分司歸入現審近聞刑部十七司多至
一百餘員輪轉當月其中恐有初任少年不知輕
重遇有送部之人全行收禁濫收一夜平民之受
累已多議將當月收人之例改爲與提牢官會同

察收等語伏查臣部當月司員係十八司輪流充當每日滿漢二員收受公文及送到現審人犯分別取保收禁俟次日呈堂分簽遇有各旗呈報命案亦於次日前往相驗舊制相沿已久從無貽悞至提牢廳滿漢二員專司稽查南北兩監管理司獄禁卒一切事務例應常川在提牢廳辦事住宿職事向有專司未便責令兼顧且查當月司係在臣部大門之內提牢廳則在北監柵欄門內監獄重地關防禁嚴向來各司司員不准無故到提牢廳行走提牢官亦應常在該廳不得擅離今若改

令彼此會同收犯倘使提牢官出而與當月官會
商則徒爲越俎代庖之舉轉多顧此失彼之虞若
令當月官帶同人犯前往提牢廳會商則當月司
既無人稽察而監獄重地擁擠多人尤恐別滋流
弊况查當月官尙有相驗之責較之收犯所繫尤
重勢不能令提牢官舍監獄而會相驗也明矣
國家設官分職各有攸司不能責以兼顧該御史
所奏似屬窒礙難行應毋庸議惟現在臣部十八
司司員人數較多不免有初任生手自應酌爲遴
派輪流當月以昭慎重應由臣部自行酌量辦理

至該御史奏稱當月官濫收人犯萬一倉卒致有
事端故禁之愆甚於誤禁律載故禁平人提牢官
知而不舉與之同罪等語臣等查刑律內囚應禁
而不禁與故禁故勘平人分列二條囚應禁而不
禁一條係指犯罪到官之囚而言故禁故勘平人
一條則指平空無事之人亦無名字在官而官吏
挾讎故禁者而言律文本自判然援引不容牽混
今臣部當月官所收人犯均係犯案到官之人與
並無名字之平人不同倘有收禁輕重失宜之處
應照囚應禁而不禁及不應禁而禁律辦理該御

史指爲故禁平人並稱責令提牢舉發之處係屬
誤會律意亦毋庸議

提牢廳爲再行剴切曉諭事照得該班禁役媮惰性成
玩視公事屢經本廳出示曉諭原期各役咸知振作痛
改前非近查禁役中其認真當差者固不乏人而仍前
玩泄者正復不少爲此將本廳諭定規條再行申明務
須永遠遵行倘敢積久生懈視告誡爲具文本廳唯有
從重懲辦決不姑寬勿謂言之不預也特示

今將規條開列於後

一頭役向來分爲內外兩班照應監內差使外班稽查

出入人犯及一切雜務前人立法本意極為周密近來祇有內班一人值宿外班間或一到並不當差是外班竟同虛設殊不足以昭慎重嗣後外班頭役務須恪遵前規逐日於開封時即赴中門於封門後方准回家

頭役知自愛者多須時常告誠存其體面庶得駕馭之法

一遇換班之期必須一體到齊然後開點未經點名之先上班各役不准擅行出監接班各役盡行進監守候俟至已初仍有未到者初次誤點重責四十板於簿內註明二次即行斥革其有點名後私自回家並不當差者查出一律懲辦

提牢係逢三八日換班司獄醫官及頭役禁卒人等

均逢五十
日換班

一各監內不准缺少禁役每遇飯時分爲兩班輪流喫飯早飯以午初爲度晚飯以西初爲度盡行進監本廳隨即稽查如逾期不到重責四十板

散役如不遵約束即飭頭

責之役執板

一值日幫班各役除按卯點名外仍須逐日於已刻赴本廳報名如僅報名而不當差者重責四十板其把守鐵門中門頭門聽差各役一體遵照辦理

一該班各役如本人當日患病須稟明內廳標給假期硃票由頭役斟酌補進一人持票回明本廳於簿內

註明何人替代方准出監此外不得託故誤差未經
換班之先如有實係患病者須前期一日告知頭役
擬定何人替代該役方免傳責

一遇交府交縣會府各差使先儘幫班值日禁役管押
如不敷用由頭役派撥中門鐵門上該班之役前去
所有各監內當值禁役毋庸外帶以免封門時有所
藉口

一派撥外看差使各役所有喫飯時刻及逐日該班之
人一體赴本廳報名違者照監內該班章程一律懲
辦

一帶差赴司聽訊各役須加意防範倘任性疎懈一經本廳查見視差使輕重立即分別責革

一本廳定於掌燈時封門責成頭役按時催齊弁兵散役更夫人等務於掌燈以前盡行進監如屆封門時仍任意出入除將本人從重懲辦外仍將外班頭役一併責懲

一北監頭南監頭門封鎖開封等事向係本處該班各役經管唯輪應該班之役有遇患病及派外看差使不克分身者往往互相推諉殊屬不合嗣後遇有前項各情各同該班之役須先期告知外班頭役暫行代爲照

料免致遲誤如該班本役並無事故輒藉詞推諉致誤時刻者將本門各役一併從重懲辦以專責成一遇大風大雨之期開封不准太早收封不准過遲如日闌遇有風雨即責成當值禁役將囚犯逐一點進屋內不准在院落坐歇如有徇隱情弊唯當值禁役是問至夜間坐更各役本廳隨時抽查如有不按更單任意睡歇者立即重責

一更夫代囚犯購買食物先由中門嚴行搜查再責成各監當值禁役悉心查點倘有違禁之物如洋藥等類一經查出即回明本廳將原買之人從重懲辦如

知情徇隱別經發覺者將頭役散役一併回堂交司加等治罪

一兩監更道前經本廳添設柵欄原恐閑人走進藉生事端嗣後責成頭役於白日關鎖至晚間收封後再行開鎖將更夫放進

一各監下院空房平日概行封鎖唯每月初二十六兩日係放家屬之期准其開敞至申後即行封鎖

一女監除放飯提訊時將柵欄門開鎖外餘須竟日關鎖不准閑人窺探至該監向無坐更之人曾經本廳派出秋後女犯六名輪流坐更每月給京錢壹吊

文由本廳於每月十六日發給

各監原設四床本屬寬敞曾經本廳嚴諭每夜將囚犯分配勻稱不准任意多寡並令於收封時添開床單呈出原防擁擠之弊嗣後永遠遵行如經本廳抽查有與原單不符者將當值禁役從重懲辦

一每日開封後各監即將病犯名單呈出本廳屢諭詳晰註明病症查近日尙有漏寫者殊屬非是嗣後責成當值禁役逐日間明各該犯病勢註於單內以便散飯時照病症酌給藥餌

一天氣炎熱責成頭役傳知各監牢頭及更夫人等將

各屋各床逐日打掃潔淨水缸內不准缺水所有囚犯須勤加梳洗以保平安

監獄章程例載極嚴罪名甚重誠恐該役等不能周知易至違犯本廳酌定規條期於各役加意防範免致疎虞今特刊刻印板各給一張俾各役隨時寓目固所以示思患豫防之意亦即所以保全該役等身家各宜凜遵

此規條係同治初年監犯周六等反獄一案後提牢重新議定極為周到起先從友人處求得舊底到任後立索原板始從破屋檢出蓋役卒惡其不

便業已藏匿多年矣

再馭役之法在於大事常訓誡小事不苛求提牢果能存心正大而光明辦事精核而渾厚伊等閱人已多自然心服無須違道干譽也

兩監外圍弁兵條規

一奏准由提督衙門分撥官十員兵八十名看守兩監外圍茲分作兩班輪值派中左營在北監每班官三員兵二十四名南右營在南監每班官二員兵十六名毋許混雜

一每於一六日期換班限午刻齊集提牢廳處點明間

是牢備考

卷三

九

有實因路遠不能趕到者仍於到時回明補點若遲至點燈後始到者即交該管官懲責倘竟誤班不到立即咨回該營責革

一當值弁兵俱在兩監外園內住宿北監不准擅入中門南監不准擅入鐵門違者許看門禁役阻止倘不服攔阻即回明提牢廳飭令該管官懲責如禁役人等扶同徇隱查出一併重究

一當值兵丁責成該管員弁每營派出二人輪流徹夜支更餘兵押令隨同持械行走其有懶惰偷安者由該弁即行懲責倘查有酗酒聚賭等情即咨回本營

從重究辦如果該弁兵等當差勤慎始終奮勉本部隨時咨明提督衙門酌量鼓勵

一官弁兵丁出入頭門除另造花名冊交司務廳備查外其兵丁均設立腰牌烙用司務廳火印將姓名開列如有更換及缺額補充者仍回明提牢廳隨時換給

一交給各兵丁腰牌每於經過頭門務須攜帶備查至日晚值宿時即將腰牌懸掛該管營弁處所以便稽察下班時准將腰牌帶出俟值班之日帶回在大門查驗後方准放入

一兵丁當值逐日必須親到毋許雇人代替以防混雜
倘實因患病告假等情亦須回明提牢廳轉飭該弁
於本營內補換如有私自雇替冒充者查出重究
一當值官弁每於日暮時將所帶兵丁查點如遲至封
監尙有未到者由該管官在提牢廳回明記責若代
爲隱匿不報一經查出除將該兵丁懲責外並將該
管官咨回本營懲處

一當值弁兵日間無事仍應安靜各守本屋無許聚集
喧譁滋鬧倘有不遵約束者即咨回本營懲辦另行
揀補

一值班弁兵原各有本營俸祿錢糧足資養贍惟念該
弁兵等徹夜巡防無分冬夏亦屬辛勞本部酌定每
弁兵一名每日給發京滿錢貳百文藉資津貼由本
部飯銀庫每月支領實銀貳拾柒兩按照時價換錢
提牢廳於每日點名時按名散給

同治二年二月十六日

附錄原奏

謹奏爲監禁盜犯過多請

旨調撥

弁兵看守監牆以昭慎重而免疎虞事查中樞政考
凡監獄遇有重囚專汛貪弁撥兵協同巡防如有大
盜十人以上者酌加兵丁巡防等語又臣部每歲
朝審後照例行文兵部轉行八旗派兵看守監牆又

咸豐三年十年間曾因監犯衆多奏請由步軍統領衙門派兵防守均經奉 旨允准在案今監禁盜

犯衆多除由 臣等督飭司員趕緊審結並嚴飭提牢各官督率禁卒人等加意嚴防外惟有仰懇 天

恩俯念

臣部監獄重地事關緊要

飭下步軍統

領衙門酌撥兵丁八十名派弁管帶分爲兩班在

臣

部監牆內外安設帳房分別南北兩監晝夜巡邏以昭愼重而免疎虞俟盜風稍息即行裁撤等因同治二年二月初三日奏奉 旨依議欽此

附錄成案一則 刑部爲片行事前准右營廣安汛

派撥巡防本部南監之把總誠孚一員當差勤慎頗
資得力監獄重地應行常川住宿所有該員本營雜
差應免其委派以專責成其左營廣渠汛王成一名
查該員現無實在官職難以彈壓兵弁應飭該汛月
行揀派一員帶以昭慎重相應片行貴衙門轉飭
該營遵照辦理可也

同治六年五月十七日

弁兵章程甚悉每夕點名如不到者多須時加嚴
查方警玩泄此有關聲勢勿視爲無足重輕也冬
三月廳賞各營煤炭錢數千時給勿靳
提牢滿主事乏人卽月擇員外

本部奏臣部監獄分南北兩所設有滿漢提牢各一

貪向例遇有缺出臣部於滿漢主事中擇其勤慎老練

者擬定正陪帶領引見恭候簡用一貪充補

一年期滿即儘先補缺現在提牢下月初旬即值屆期

漢貪備送者尙不乏人滿貪則僅有候補主事覺羅玉

樑甫由起居注一等調部既係生手且遇有主事

缺出即應擬補此外祇有學習主事二人其桂昌一貪

資淺年輕上年因一時乏人暫充擬陪今若即以之擬

正究恐未能老練其薩麟一貪亦係年輕資淺若拘於

此三人中選擇臣等實不放心不得已稍爲變通擬以

現任實缺主事中選擇正陪帶領引

見如該貢受

任一年期滿即照主事儘先補缺之例以臣部咨缺貢
外郎與奏准留部人貢先後遇缺奏請陞用俟後滿洲
蒙古候補及學習主事有能勤慎老練者仍照舊辦理
如不得其人即照此次選擇備用

道光十七年即抄

此案載在刑案匯覽以事係提牢附錄於此

立秋後待質各犯名冊章程

南北監羈禁人犯以現審新收及秋後舊管爲兩大宗
新收者向有分簽簿開列各犯花名易於稽察如有開
除即於每日呈堂稟帖內逐爲聲敘立法極爲美備惟

舊管秋後人犯只有總數並無清冊遇事臨時現查多致錯誤茲奉 堂諭將各犯罪名並入秋審年分彙註一冊各犯之顛末本廳既可藉此周知即遇有查辦減等之年某犯應減某犯不應減其入秋審次數均可按冊而稽亦不致或有遺漏誠清理囹圄之要法也至隨時增添無廢此舉則有待於後任諸君子焉

兩監舊管人犯除秋後一項外惟待質者爲最多而待質之年限又各不等往往有期限已滿查辦稽延遂致痼弊殊堪憫惻茲將各司待質人犯逐查清楚彙爲一冊註明待質若干年如核計限期將滿本廳隨告知司

中預爲辦稿追期滿卽呈堂畫結則已定罪名者可以發配未定罪名者亦早開釋似亦清理囹圄之一端也此外又有監追人犯例有年限與待質辦法相同至永遠監禁及瘋病鎖錮各犯雖在秋後緩決之內究與尋常緩決者有別且瘋病更有五年查辦章程亦與待質立限相近均另附於後以便周知敬祈後任諸君子遇有各司付片到廳隨卽按類添入此舉賴以不廢則幸甚

此係題在任時奉堂諭定立

囚衣歸廣西司辦理每年交二三百套不等四月進

題銷本

司中交廳之衣綿薄幅小布料紕疏數日即破可

以捐欸

提牢每年九月後向本部

堂司措寒衣

簿募後可託各司掌印主稿代收送廳庶不落空

再自買原當綿衣百餘

套

當鋪出銷者謂之原當

擇最貧犯給之頗煖而耐穿然散

給後須記帳防黠囚轉賣重索如實係穿破再給

勿吝且有鎖紐之犯更費衣勿一例視也

再司中所辦衣年有領欸須催令早交並嚴飭裁

作寬大否則推諉過時

司吏總以庫不發欸為詞其實庫中年年必發也

司吏遂將領欸入橐矣

其衣少領欸多弊亦須防

刑具歸四川司辦理同治四年四月間添設木杻四十

具如有實在兇惡不法盜犯准回堂後加用木杻

其餘不得妄用原稿並聲明此係因鎖鑰不敷暫時

添設如鐵鍊一經敷用即行裁撤煮飯鐵鍋破漏並

牆茨棘均付四川司行工部辦理

木杻乃例有刑具例杻係施於手今施之不法盜

犯亦係防範不得已之意治獄之道防範與體恤

體恤而不知防範必致別然聞始添木杻之提牢

茲事端愛之適以害之也其不一年即身死二子亦俱歿命有定數未必即

由於此而作俑無後聖人之垂戒深矣遇帶木杻

之犯給尺布兩幅護其皮肉庶恩威兩盡

再兩監鐵鍊向章歲底堂派員會同提牢查點

近聞遺失甚多應確核額設全鎖入百副同治十

取跪鍊實不敷用凡行工部製造脾鎖六百八十

五掛手鎖七百四十三件脚鎖七百四十三件奏

足全鎖三百副副工部兩次送到全鎖三百五十

辦

斬絞犯病故歸浙江司辦理封印前具題亦歸該司承

保護病犯第一費心事亦第一陰德事遇有病犯
時時屬令同監年陳人犯用心扶侍醫藥飲食常
俱查問放飯時進屋察視如各屋調理病痊者多

及連月無病犯或無病故者須分別給賞

不拘時不限數

若一定時日數目則以成例賞人不知感矣

以示鼓勵其屋內病犯多者

時加申飭庶各知慎重而痼弊者少矣

再放飯時犯皆魚貫立屋外以待若各屋皆須進

內查看則爲時過久俟放至末屋飯必致冷若第

觀其外而不進內查看則屋中隄隅是否一律打

掃潔淨病犯情形是否均與報說相符並難保無

勒禁不放之犯須知抽查之法或早飯查此屋

或晚飯查彼屋或早晚飯均查此屋或連數日均

查彼屋總使伊等不能預防庶有所忌憚若於放

飯以外偶然便衣閒步或閱視圍牆及飯屋各處

或到內廳司獄處商酌應辦諸事隨時抽查亦可

北監中門常有役伺察提牢一進鐵門便呵喊各
監即知准備南監則每不及防屢被查出弊端矣

提牢廳在闔署地勢獨低雨時易積水廳外長溝

前任廷燕二公回堂領欵挑挖頗資利洩翹任

已六月大雨北監內更道積土高半於牆易致梯

越聞後任訥子襄飲殷秋樵如璋費大工力去盡

均應隨時查看勿任令更夫禁卒棄灰堆土致廢

前功凡屋內出土時飭
更夫挑至署外

更夫三十二名飯頭在內
隨時挑充禁役一百二十八人俱歸

司務廳管理禁卒每月祇領有工食銀一兩五錢
更夫於工食外在戶部支領三季米三百三十九
石二斗身工食米石現均折扣發給計所得不足一
身養何論其家今之事如斯者甚多奈何
禁卒頭役八人分南北各管十四人每收一犯中
門出一名簽謂之原收欲知一年總收人數查禁
卒名簽全出幾次便得之

禁卒名姓相似者多最難記

多係父子兄弟叔姪彼此毀譽須視其人

換班點名時逐一詳視久之自認准面貌則其勤

惰易察若提牢茫然莫辨惰者愈惰勤者謂之當

黑差

役有勤者及看過現監者派外看差使廟之
勤者隨時派看過現監者以抽簽定派之先

後

官犯多收北監以去提牢近也外看差使亦多在

廳旁左右

北役則南俱派

惟蒙古寄監人犯向收南監

作布被給病犯發汗

或傷其勤嗽一屋或兩條或三條

藥約舊尤大黃紅棗三樣各一斤爲末早晚放飯

時令各屋薰燒最避疫厲

每屋月給斤半十日一發須自辦例給避瘟香

料銀歸月例領勿令斷

加添鹽菜

例給鹽菜雖少勿令斷恐後無添者並此而無矣凡事皆然不獨鹽菜一端也

摘換床板

廳旁小屋存有前人捐置床板五十餘塊價甚貴須查記勿任令搬用

糊頂棚

避臭虫也監內蛋極大

冬月草蓆

定作織厚例有者重累之

夏月給茶葉並月購甜水飲之

監井係苦水

夏月給草扇

夏月製單衣數十套

量犯酌予不同棉衣備給也

佳節放湯

每屋給肉數斤人給麵一斤或給餅謂

女監間時給草紙木梳

各屋均可給木梳數把

以上數事均前任已行者如有友朋捐助

翹家寒

任所辦各事均係堂憲潘及友朋捐助之款至今感物無既尤幸者滿提牢樂希元善遇事和衷絕無異議竊願後之共事者常思同舟之喻庶上和下輯而犯人得受實惠亦無有不平安報滿者矣
量力爲之欸少者擇其要欸多者全爲之再有

餘留於下任不必枉費不必重費方爲大公何必
存恩自己出之見以有用歸無益也

章程煩碎冊內有連類而及者有彼此互見者有
前人己言重爲申明者有別條已悉即不再及者
閱者須通冊合參庶得其要

提牢固屬煩難然法制嚴肅事權歸一較在司辦
事少掣肘聚訟諸弊苟公正而無私允號令之罔
阻甚勿仙仙覲覲低首下心爲吏役所竊笑也若
無知而作任意以行則又失矣

提牢備考卷三終

提牢備考卷四

嘉言懿行先路之師博探廣收爲治之要我朝
矜恤庶獄纖悉靡遺官斯職者類多惠政踵而行
之仁詎遠乎蓋使人知獄吏之尊不如使人有眾
母之感也輯雜事考

合肥李玉泉先生

文安

貫垣紀事詩

方今法制詳明提牢一官職有攸司遞年更換新
者或有未諳舊者必以賣告予任事將滿一切事
宜境况均所親歷思在官言官之義公餘之暇緝
爲四字題各綴以七絕一首端主紀事不計詩之

工拙也

記名擬正

資格限人部員擁擠 堂憲擇其資稍陳尙堪
任事者先記名擬陪後始擬正蓋用人行法綦
慎如此

羣公衮衮升臺閣半秩且供廷尉監榮倖幾年題漢柱
華資粉署耀朝衫

報滿題補

一年差竣先期報滿補缺由吏部進

題本

桐閨喜逢槐夏日瓜期預計麥秋天閏四月起凡證道
非常事面壁維摩已十年

貫署輪班

滿漢二員輪班五日一班

諸友競傳貫署班半年辛苦半年閒要知三百六旬內
日日憂煎蚊負山

僦被下直

五日下午祇布被一付隨身往來而已

五日欣逢休沐期羸僮愠僕束裝時歸來不吠迎門犬
認慣龍鍾舊素絲

月稿呈看

每月有付大庫及行各司各道文書若干件

凡司付庫行諸道按月遵循各事宜吏稿辦成呈閱畫
琉璃窗下核成規

雲亭畫諾

說堂與司事畧同祇有手畫稿無堂期稿

稿多手畫少堂期也向雲亭擠一回成例謹遵無駁詰
免聽繞殿起脊雷

押發稟帖

每日申刻發各堂稟帖必親畫押

新收舊管並開除各項條分縷晰書稟帖已成親押發
本來日省不慵疏

鈎稽簿書

每日吏抱簿書半尺鈎稽畢始發稟帖視事
惟率由舊章束吏安囚使吏役盡職姦猾屏息
庶務畢舉囚不失所而已

束吏安囚庶務繁成章井井簿書存若令朱墨無餘事
難得圓扉盡挾恩

隸帖晨參

每早頭役報監內平安並呈病單

衣冠整肅待衙參每日平安竹報諳常願兩監無病帖
論功不厭紀窗南

秋冬監內平安病俱醫痊會將醫士等紀功

官燭宵焚

每夜驗封後一燈坐守思日間公事無遺卽開

卷與古人晤對

重門已鎖晚餐澆坐對空堂燭一條忽念藥囚收飯後

飢腸永夜火中燒

囚收飯後每念其苦特捐小米爲糜以待之

冠帶放飯

辰申刻放飯必具衣冠而往由北至南二里半
每日往返計共十里程也

南北奔馳十里程衣冠整肅蹋沙行給箸魚膾分餐際
堪念嗷嗷待哺情

朔望拈香

初一十五日南北所拈香

神廟共七處

朔望恭拈神廟香幾聲鐘磬繞迴廊載瞻西阿東楊殿
慈愛忠貞萬古芳

鐵門呵殿

由鐵門至中門以內羣隸呵殿雖一聲短道不
異兩部鼓吹也

鐵門短道接中門此地原推獄吏尊猛以糾寬寬濟猛
要將名訓細評論

銀鑰收封

銀鑰卻收金鎖合重門已閉貫星明忽聞吏役回司付
熬審提人守四更

傳單哀矜

朱點長單一紙傳瀛洲司分本星聯要將石下窮民隱
借重羣公達

九天

綿衣功德

九月授衣則向 堂憲暨各司寫綿衣功德

九月先籌卒歲衣羣公春意洽圖屏殷勤託徧沿門鉢
檢點常虞吏橐肥

凡付三司

囚糧煤炭付陝西司醫士米銀付福建司囚衣
付廣西司

囚獄衣糧兼雜費西垣專辦屬三司月來凡付殷勤畫
玉律金科守舊規

冊送諸道

囚糧由陝西司行文戶部支領開銷具冊送河

南道查核查監御史當時具冊

每季領支天庾粟發春收闡謹儲胥開銷按日因人給冊送西臺校對符

柏臺月省

每月都察院派御史二員查監一次

舊例查監月一回新資輪派下烏臺圍屏聽點琅璫響知是乘驄御史來

荷校日糧

枷號人犯口糧該司付廳支領

軍遣流徒總折枷各門旗分便稽查日糧例向西曹領

升斗應知惠有加

朝審給赭

八月底 朝審奉 堂派廣西司司員監放紅

衣

秋讞先期給赭衣用膏雷電配恩威九卿會議非常典
金水橋西看曉暉

邊犯刺墨

許爾自新因刺字字分左右血模糊九江黥布狄銅面
莫謂英雄自古無

盡祠書局

楊忠愍公祠在北監內圍門署蓋奪羣倫額畫
日常局

忠愍專祠永畫局太虛浩氣自流行階前春草萋萋綠
猶認當年指佞情

內圍夜梵

內圍監追宮犯夜俱佛號恍若僧寺

內圍列屋宛僧寮鐘磬深宵起佛號來去應參三昧訣
當頭明鏡月輪高

科房查案

刀筆庸才少軼羣畧能書記富前聞喜他碌碌安吾拙

質勝應知不舞文

圖土鞫囚

年來坐鎮傳良法雀鼠無爭大化齊偶爾蒲鞭微示辱
常從孺子學驅雞

牌票提審

各司提審有手票帶差之役則遞牌司獄

秋官判獄重如山牌票提人屬等閒去尙精神來委頓
頭皮斷送血痕殷

鈴柝傳更

更夫三十六名夜間巡更鉦鼓鈴柝甚屬嚴密

兩所魚更三十六柝鈴鉦鼓夜聲寒知他驚醒還家夢
濕透紅衣淚未乾

二班更值

司獄共八人輪班隸役共百二十人逢五十日
更換

五日應官五日歸家人合賦采藍辭

聖時文教通

圖士小吏都能名節持

因事教導勉以行善愧以禍福
厲以廉恥吏役化之頗知自愛

亦知愛囚聞有二三人知解文義克厲名節溫文有儒
者風於此益歎

聖世文教之盛焉

兩所掣鐵

鐵分南北共十六支囚收監時自掣

鳥已在羅魚在釜搶頭惕息實堪矜臨風最慘琅璫響
誰不臨深更履冰

內廳議事

司獄謂之內廳南署祥廳北署福廳司獄該班
不出中門

北福南祥兩內廳分班值宿戶常屬諸君不少鳴琴客
茗話空堂一聚星

遇事開誠布公集思廣益故司獄諸人皆知潔清自愛同寅協恭惟以束

吏恤囚
爲務

外看勵勤

役有勤謹者遇外看差事派之以示獎勵

仙骨已成經墮落對茲徒隸合心驚陽爲伺候陰防範
彼有餘羞此有榮

老屋廡集

共九監口謂之老屋諸囚廡集其中

南冠老屋同廡集何敬非刑度非及廷尉本來天下平
此中可有向隅泣

更道蜂房

內更道卽內圍革員比屋而居若蜂房焉

內圍比屋若蜂房多少星辰謫上方似聽牽牛語織女
何時九萬聘錢償

下院情話

初二十六日已定案各犯例進家屬各監有下院以備該囚與親屬情話之地也

聖朝曠典卹榮獨犴猶盟塵與灰好把幽情託明月
生明生魄正初哉

中門傳呼

遣犯由中門傳呼以達監所

令甲但標朱一點中門傳入若風雷聞來心膽都應落
斷送頭皮屬者同

囚髮一片

囚准薙髮者仍留一片

摩頂聊行兼愛法
千鈞一髮守常經
似看野燒樵蘇盡
留得山峰牛角青

女監重扉

各監院門一道女監二道

重扉固鎖似深閨
霧鬢風鬟不掃眉
春盡殘花付流水
餘紅難認故林枝

收監例
多斷離

天窗透氣

監屋各起小樓
留天窗透出獄氣
夏開冬閉

汗揮如雨氣如雲
暑夜麝居起惡氣
賴有天窗通一綫

九霄劍影煥星文

地臺乘涼

每監外有捲棚三間地暑起高夏閒囚賴以庇
蔭

廣廈庇人慈蔭遠熙熙衆共上春臺况當赤日行天際
披拂南風習習來

柏枝辟惡

夏月例給柏枝蒼朮等件焚之以辟獄氣辟瘟
香則四時製備分燒
堂憲李曾給藥材僕亦
製藥料數劑以濟急

柏枝蒼木辟邪香功德門中便易方雀在密羅魚涸轍
但能拯救見天良

冰塊銷炎

夏間各監例給冰一塊

炎炎長日日如火况復圍扉不透風但得清涼冰一片
拯他涸轍鮒魚窮

鋪墊草苫

秋間各監鋪草苫薦席時督其洗晾屋院恒飭
其灑掃

每思工部千閒廈更愛香山萬里裘我且按囚給大被

鋪苦草刈野塘秋

新置綿被二十四條散給貧病

病房飭醫

夏臺淹卹總顛連露冷霜淒貫索天縱得餘生無瘕死
殿屎聲裏亦堪憐

釋囚發落

但得無干蒙省釋已如困鳥出樊籠况教送府送兵部
肅肅長征咏澤鴻

阿園綠竹

正直爲人正直神專祠尊組合千春園中萬个猗猗竹
猶見當年德意新

神廟紅缸

北監獄神廟有紅缸二口埋半截地中

太廟金人太學鼓各傳彝器萬斯年雙缸斑剝何時置
骨重神寒漢色鮮

老樹啼鴉

內外園老樹數十株皆數百年物也樹上鴉聲
與爲朝暮

長棘高槐靜掩門鴉啼狂守自朝昏每疑白臆思煙鳥
仁壽樓頭介子魂

陰溝走蝟

蹣跚白蜩循牆走羣役見之競垂手道是神靈此化身
敬之終吉悖致咎

夏水成杠

係滿少司寇恒閩浙制軍劉前爲
提牢時創制歷任率循修補缺壞

大雨時行積水阻行則用木板搭橋以濟

苦療兼旬積水生徒杠六月已先成過橋不少拆橋者
利涉難忘滅頂驚

上年六月五日橋斷
落水茲特增修高大

冬牆更棘

歲底行文工部圍牆換棘一次

冬來例換牆頭棘彷彿茅龍歲改衣冰雪氣生今夜冷
一輪涼月鎖重扉

秋讞決獄

由 朝審至大差重囚併入現監防範益嚴

情實併監殊緩決未勾常作予勾看憐他西市歸來日
感戴 皇恩天地寬

春草生階

鷓鴣啼罷子規啼回首湖湘舊夢迷常願訟庭無一事
滿階春草綠萋萋

玉泉先生積厚流光後嗣蕃昌無比盛德已昭然
在人耳目何庸妄贊一詞想有心人三復茲篇當
必聞風興起矣

詠李玉泉先生爲提牢詩

一湯一飯淺深量是否堪餐每自嘗甘苦可推軍十萬
獄中留得姓名香

每囚日給米八合工部頒發銅勺每飯一勺先生

散飯必期勺滿生熟親嘗之囚徒感焉

按囚米例給一升今

日給一觔此云入合俟考

晚飯蚤過枵腹來雙眸炯炯不勝哀獄中幸有推恩米
例自先生到此開

捐米煎粥以濟散晚飯後收到人犯

棘牆深閉見天遙溽暑熏蒸未易消賴有仁風吹隔座

蒲葵五萬共招搖

捐蒲扇分給囚徒獄中自此多搖扇者

存抱痼瘵見至誠滿腔春意及羣生一篇敬禱神前語
徒隸傳鈔心也傾

獄中瘟疫易作先生禱於獄神文情詞懇切囚病
俱起禁卒爭相傳頌

託鉢沿門醵俸錢秋深檢點補葺綿先生更給病囚被
寒到圍屏不聳肩

每秋各司捐製綿衣以給囚犯先生更增綿被每
所十二條以備病犯發汗養病之用

擬造慈航願未隨斯須又到雨淋時仁人遺意休忘卻
且向仁人細述之

戊申夏大雨連月閩署水深及腰雖舊有木板搭
橋之制聞猶病涉先生擬造小舟以濟未果後有
踵而成之者亦良法也

此爾時司獄王燮堂作也以有關李玉泉先生事
蹟並錄之

渠水濶公青士提牢瑣記

提牢古獄吏也位卑而責重易孽亦易福焉 國家哀
矜庶戮不遇一夫豈容愚賤妄議損益然今昔異宜變

通迺久雖曰小惠無傷大體亦

聖朝所不廢也

文

遲循職無狀因時補苴瑣瑣載筆私備檢點科條所布則概從畧自惟不文體段憊如意者劬嫗絮語病夫呻言明知厭聽或亦有以諒其心矣作提牢瑣記

清慎勤官箴也箴提牢尤亟眾獄所歸竿牘易行清則絕之猾役作威大盜階厲慎則制之躬親巨細耳目入微蕤毋嫌實煩不憚勞勤之謂矣三者之中清慎在心勤迺妙用凡所類記惟勤有功一弗親歷卽屬虛文亦記所不必記也

關領囚糧歲凡三期雖具官司仍責商戶旣便支存亦

易操縱呈式先驗隨時可核米糲且塵洩之務淨炊或失宜非簋則腐盛以巨甬霽以大布冬則加綿用避寒氛健役交荷時防索朽雨雪艱步尤宜慎之辰申飯囚毋或後先立受以序戒競戒譁

範銅爲勺寔容半升上周鑄文以防磨減先備潔水數數澤之積垢斯滌粒亦不膠膠積太多受者損矣規木量杓欲其平且盈也傾杓欲速欲其不寒也揚而覆之欲其杓無餘也計口一杓曰凡兩給人飽一升定例然也

飯給而湯隨之人沃一瓢冬加菜菔夏加菜豆春秋則

茶禁苦水禁冷水禁不熟水暑則多儲惟所需飲無時
狂狴之側別設盃漿夏日提訊諸囚則出入飲之淡食
可憫以鹽蔬濟之毋過與恐益煩渴尤苦筋折者裂
者盃損者滲者穢者不足者時時察之易之增之
囚給熟麪一觔佐以葱醬或增肉數兩良辰佳節則爲
之長官同僚惠於平日者亦爲之例餐仍不撤酒與洋
煙有常禁

屋環牀五守者居中久禁而貸死者居潔地之兩牀鑿
垣通便溺餘兩牀與近死囚居之
牀袤丈餘廣可五六尺支厚板去地尺許朽必易溼必

曝穢必濯藉於板者夏席而冬薦席宜澤薦宜厚皆於寬宜加薦以氈尤於冬宜紉布而實以枯以爲大枕長如其牀月一澣徹迺更

屋日必灑掃牀下尤督之冬之煤氣春之瘟氣夏秋之交疫氣汗氣朝夕之廁氣庖漏氣溼熱氣皆足致疾以死蒿朮柏蕭艾頻薰之焚或屑雜藥益佳

蟹蟲噬人至酷蚤蝨繼之不終夕已瘡疫其體血痕縱橫四壁如繪獄中第一苦惱境也蟲有自壁出者有自牀上緣者有自梁柱下墮者隔以承塵而塗茨其旁隙則稍得眠

屋外隅皆多設廁日必一淨別具柳筐一交繩而貫以木渣滓悉入之日荷以出無有少積夾堵尤戒之慮塞溝渠或至高積將可梯而踰也

囚定讞者許女屬入視皆後朔望一日先注門籍出入以時別納以屋閉戶而守餘者禁窺伺嚴私遞戒偶語絕謔言

面日一沐髮日一櫛木梳草紙蘸豆疏巾敝斯易乏斯給女獄倍之或攜嬰種護視益當謹

女獄恒鍵非公事男役不得入扉之心特洞一穴藉傳所需仍加凡板而時掩焉擇役之老而誠者司其鑰病

者刑者宿疾者孕者產者醫必速藥必具日詢所苦而躬督之飲勿強他囚與俱勿移之側旁及穢濕地非大瘳不止藥

疾不可爲者立移空屋杜傳染也死則有停屍所縛屍於板虛懸中央恐爲鳥獸殘呈驗勿稽夏秋尤亟痧藥喉藥痢藥瘡藥金創藥杖傷藥解毒藥求可預製者蓄以應所急

夏給扇早啟封而遲錮之守者加嚴

衣一袴一秋袷而冬綿絮多敗布多粗縫綴多疏多垢膩多縲縋磨刮則皆易敝禦一寒人必二三易厚厥值

倍厥數施迺不窮

巾襪不具冬即寒被首所覆足所藉皆給焉惟察所乏
秋冬夜永柝聲難續破寒往督或風雨雪督尤勿懈平
居巡獄毋與定時絕遷就也役有告必察囚有訴必受
微疾微傷必詳詰隱處不潔必躬巡築頽葺漏平道疏
渠事皆舉矣

垣遇老棘火災之媒大旱大風非時往察

囚屋出入有定時坐卧有定方眠食有定候疫者悍者
諠笑者罵者鬪者導訟者商飾獄詞者結死黨者輕予
長跪重予杖或加桎梏甚者鐵索掣其肘懸之梁間仍

餘其索俾可坐卧惟不可行死囚中不得已迺一施之
囚不遵法度屋則彼此移監則南北調有訐之者質諸
守役證之他囚以情以實然後行罰

守者或虐囚不敢以非法也但暍而渴之或強雜穢疾
者同坐卧無傷可證已不堪命故飲食必躬監夜必核
宿者之數數必均牀必有限制

罪輕者不繫稍重曳鎖於項又重拘手足至重乃加拷
扭其間老幼廢疾樸魯安靜嚴寒酷暑刑傷太重者皆
可寬法而仍時防之

新制銀鐐芒楞未銷著膚易傷別給尺布護之

支木爲堯聯而屬焉淫雨積潦以渡奔走自吏及囚罔不利之長官所施厥費甚鉅收發有時修補有資首役之責也

司獄八員輪宿在獄見聞最習力求和衷事迺有濟書吏二役百有二十巡夜武弁十兵八十司炊者二司鈴櫓者三十有二咸輪期代役縱則玩愒則變專寄耳目蔽衡其輕重以爲張弛與絕殊未也免咎或庶幾焉獄有神有總司有分司統尊之曰獄神餘在祀典者若關帝龍神門神若佛典之大士閻羅社公若道流之大乙藥王瘟部火部皆爲位以祀別一楹祀前明椒山楊

公而刑部尙書王公世貞郎中史公朝賓司獄劉公時
守得耐焉座隅老榆盤錯陰森不畫傳爲忠愍公手植
者南則阿公祠公諱世圖康熙時官滿司獄以除夕縱
囚元日悉來歸一囚偶後公懼竟仰藥死囚踵至痛公
甚亦觸柱死即今肖像牽馬侍公側者也諸神朔望則
祀履任則祀報賽日則祀勾決日則祀祀則必躬詣香
帛虔潔宜專厥司庶幾覆盆之中亦有臨質神道設教
用佐良箴

瑣記如右蓋緣照子以爲彌縫舍本齊末奚裨勸懲
循吏不必爲能吏又不屑爲也文逼於是投筆而喟

然曰嗟乎斯所謂惠而不知爲政者與雖然周易言
獄厥卦凡三噬嗑利用獄著乾肉黃金之象旅不留
獄協懷資得斧之占無財不可以爲惠聖人得無深
意存焉至於議獄中孚迺格豚魚豚蠶可立魚愚可
罟獄囚近之矣必格以信厥道何先天下萬事所不
疑者惟生與養所不變者惟衣與食本此立信乎乃
化邦矧茲罔罔飢寒所蔽記言瑣瑣固屬私恩要非
徒手遂堪坐理且其頑有衆玩視鋸鑊夫豈口惠可
以行賞溫拊可以代纒哉試以勺水人增一飲不藥
不薪夫亦何費而計囚三百積勺溢斛已非一力可

汲一甕可儲況其它乎洪惟國家深仁厚德靡隱
不周恤因僅爲政之一端而原情立法計日糜帑誰
非聖君賢相憂勤惻怛所推被於無窮者哉我
不敢知曰名存而實亡然法積久則弊生政待人而
後行上挈大綱下釐細目遵茲成憲濟以權宜亦小
臣所當自盡也是故生者不使枉死者惟其法不惟
其心刑官之職因應爾爾下逮提牢厥責維均夫新
舊相代政必以告古人在官之義也益由庭受思以
集成救獎補偏敬俟來哲光緒二年十月朔提牢廳
主事濮文選謹記

僕公現官南陽太守在西曹時與翹心交十年共
事甚多每以古道相切劘茲篇用心之厚文筆之
工自有識者不敢私譽致涉標榜

月令仲春省囹圄去桎梏孟夏出輕繫挺重囚益其食
挺者拔出之意

輕繫之犯往往被獄卒凌虐備受苦楚輒至病斃必時
加軫恤俾諸囚勿受苦中之苦則罪不至死者多所全
活而死罪亦可無含憤於地下矣

羸老之人必察其有無疾病婦人女子必察其有無娠
孕

囚有實病而吏不以告者有未嘗病而吏証以告者蓋
吏之視囚不甚經意小病不加審詰待重方以聞甚至
死而後告若有資之囚則令其詐病巧爲敷說希圖免
脫監中人犯多非良民得便乘機便要劫囚反獄禁卒
若肯日夜用心關防縱在荒坡野地豈能插翅騰空乃
監牆重重門戶重犯往往脫逃豈非吏禁疏慢之罪
牢頭獄霸行暴毆人當衣奪食放錢賣飯或囚飯入門
本囚未得入口或囚糧到獄而本囚不得霑恩穢汙不
肯埽除疾病不得調理忍寒受熱叫號不徹於公堂抱
屈含冤心事難白於官府女監縱吏卒姦淫輕犯將重

樞凌虐如此必有天禍明理者知監鋪乃陰德之地獄
官乃方便之人輕犯存哀矜之心時加體恤重犯嚴關
防之法不肯凌虐斯爲稱職而子孫必享其餘慶矣
生人之苦牢中爲最雜穢疫癘之苦暑月爲最仁人君
子體上帝好生之心暑月常遣人掃囹圄滌枷杻務使
眼前火坑化作清涼世界此只在當權者念頭動舌頭
動筆頭動一霎時間耳而鬼神已鑒之矣

宋張慶右軍巡院吏也好潔獄具必親沐之暑月尤勤
其妻夢神以汝夫陰德多與生貴子後子孫皆顯達
明萬厯年南京獄官孫一謙衍獄囚有恩囚初入獄每

驅之穢溼地不得錢不與燥地且給米時強弱不均多有不得食者一謙知之一切嚴禁稱米給飯按籍以次分給甚均囚衣數爲浣濯補葺終其官囚無凍餒凌虐死者

以上數則俱錄自宋惠人

邦德

太守祥刑古鑑語

語箴銘日宜在目

明萬曆二十九年薊州人張差持梃入慈慶宮門案發

已以瘋顛具獄時提牢王之宋

陝西朝邑人

心疑其非晚散

飯獄中未至差私詰其實初不肯言之宋令置飯差前

吐實與飯否則餓死麾左右去留二吏扶問之始吐實

提牢備考卷四

三

因具疏以聞

按梃擊一案爲前明三大獄之始首發正議者乃在提牢小吏古人自待不肯菲薄此其一端也

陳望坡尙書

若霖

在刑部時日惟坐司堂理牘堂官從

不識其面公亦不求人知時和珅初伏法其僕劉禿者已擬違戍故事凡遣犯由提牢官點交差役解往順天府衙門發配司官弗與聞是日適公當月念此係重犯親身押往索取順天府收支回旌有科道參奏遣犯劉禿聲勢尙赫臨行夾路餞筵擁擠不絕以致發配三日尙未出京

上震怒立召刑部各堂官斥以所司何

事各堂官懔無以對碰頭出即聯騎入署立傳各司官
詰之司官亦皆茫然時公方貿貿入司堂問何事喧嚷
有老書吏告之故且請公上堂則堂官查出是日當月
之員已屬色相待見公至大聲曰汝於某日當月乎曰
然曰劉禿之事發矣汝尙不知乎曰頃適知之但咎在
順天府與本部何干與當月者又何干劉禿於某日出
禁司官卽於是日親身押交順天府衙門並立取本日
收到印文爲據尙何懼乎因就懷中出一紙呈上各堂
官皆輒然曰是不難覆奏矣事遂解

望坡先生並未任提牢然此事實可爲提牢法凡

有交出要犯當日須索觀回文方無疏誤望坡先生存心仁恕平生事蹟甚多此特耶署末節然即此一端已可見先正遇事無論大小不肯苟且其數歷中外子孫昌盛也宜哉

會稽梁文定公

國治

其封翁東山先生

文標

官刑部司

獄恤囚備至當日彼自麗於法耳何爲瘼苦之向來詣獄者獄官輒有所索遇官犯所索尤賒公獨屏不受一無所染督獄卒洒埽潔清一切可以方便者必多方調護之始終不懈世宗憲皇帝聞之曰是有陰德特擢主事仍領獄事外廳天理人心額公手筆也嘗一

曰就此壇詢宦途所至批曰司獄有功前程遠大曰然則可外擢道府乎曰不止然則遞升兩司或開府乎皆曰不止然則內躋九列乎曰尙不止封翁大笑曰然則拜相乎則批曰眞者不能假者可得後誕文定公由狀元起家官東閣大學士封翁果贈如其官

東山先生治獄事蹟多不可考聞其墓志著論甚詳求之不可得相傳從前犯多席地而卧蒸淫最易致病先生俱換板牀囚至今蒙福溥哉利也

楊忠愍公獄中手植榆樹記

爨余讀椒山先生全集見其忠義之氣凜如冰霜昭若

日星嘗慨然想慕其爲人歲甲辰成進士官刑曹越丁未與同年德公提督獄中事見獄神廟之東南小院有古榆一本大可數拱風霜剝折刀鋸削平高僅及肩而生機鬱勃突起于中幹蒼翠茂美古秀可觀詢之吏卒僉曰此相傳爲明楊忠愍公所手植也余聞之慨然有感矣夫自古忠臣義士其皎然不欺之心與毅然敢爲之氣大都鍾天地之正氣而氣之歷久不磨者又往往洩其精華於一草一木今觀此樹婆娑生意已盡而枯而復榮未必非先生靈爽有以呵護之雖然先生之能呵護此樹也先生之忠義爲之也後人之覩此樹而有

懷於先生之忠義也人心之忠義爲之也忠義之心同
然之心也嗟乎人而同此心也後之覽者亦將有感於
余言是爲記刑部湖廣司主事管提牢廳事胡鈞瑱撰
題楊淑山先生獄中手植榆樹詩

漢社今何在孤芳獨出羣馨香嘉樹永遺蹟口碑聞萃
潤重霄露根蟠半壁雲丹心人去後蒼翠弔斜曛星躔
傳素質手澤更超羣浩氣留今古幽光恆見聞榮枯銷
歲月節義薄風雲試訪紅苔處先生有獄中咏紅苔詩青蔥對夕
曛刑部山東司主事兼管提牢廳事德甯藁乾隆五十
二年歲次丁未八月望立石

現在此樹勢作龍擎枝皆北指望之生氣凜然文
詩表章先賢遺蹟故錄之樹旁有小祠祀椒山先
生神牌並附祀刑部尙書王公世貞郎中史公朝
賓司獄劉公時守起到任見其屋瓦敝漏旁垣傾
圯禁卒多遺不潔因集資新之常屬其戶以昭靜
肅再按今之刑部並非前明刑部舊址乃錦衣衛
所屬北鎮撫司也原祇有北監一所本朝雍正
初年始添建南監北監舊有獄神廟一座中龕祀
臯陶旁龕祀關帝瘟部火部諸神素著靈異年
久岌側屢欲重葺均以監獄重地不敢妄興土木

中止翹察吏役等心甚誠切爰請發欸督令興工
終事平安落成時六堂親臨拈香亦圖屏中一
盛事也附記之

阿公祠碑

北監監門內西偏東嚮有祠祀者故司獄阿公也祠一
楹院落故不闕北倚修竹雜松榆數本葉稠密陰翳蔽
天當日午入者猶骨慄云公像貌作青碧色目炯炯然
而慈藹不使瞻者怖從者如鬼四前臺馬立者一獄卒
曰祠之建且久初不知何神會公司北監歲除儆貞觀
縱囚故事囚歸如公約獨某囚家城外以母病遲歸城

門閉元且乃入而公先於夜分自懼而酖囚亦投階下
死翌日司廟者入神像則儼然公也遂呼阿公祠而塗
某囚形爲公牽馬公諱世圖隸鑲白旗滿洲靈異時著
于獄中夜輒聞馬蹄聲如周行邏視然瞰之卒不見烏
虜神矣

阿公此事奇特之至翹見公祠甚新禁卒祀公亦
甚虔私詢其故云伊等有機事謀於楊公祠則敗
謀於阿公祠則獲故香火甚盛此乃小人臆度之
私公誠有知豈福若輩詭謀哉祠內舊有綠竹一
叢古榆數株今全無矣欲補栽未果

陽明先生提牢廳壁題名記

京師天下獄訟之所歸也天下之獄分聽於刑部之十三司而十三司之獄又并繫於提牢廳故提牢廳天下之獄皆在焉獄之繫歲以萬計朝則皆自提牢廳而出以分布於十三司提牢者目識其狀貌手披其姓名口詢耳聽魚貫而前自辰及午而始畢暮自十三司而歸自未及酉其勤亦如之固天下之至繁也其間獄之已成者分爲六監其輕若重而未成者又自爲六監其桎梏之緩急局鑰之啓閉寒暑早夜之異防饑渴疾病之殊養其微至於箕箒刀錐其賤至於滌垢除下雖各司

於六監之吏而提牢者一不與知卽獎興害作執法者
得以議擬於其後又天下之至狠也獄之重者入於死
其次亦皆徒流夫以其工之罪惡而舜姑以流之於幽
州則夫拘繫於此而其情之苟有未得者又可以輕棄
之於死地哉是以雖其至繁至狠而其勢有不容於不
身親之者是蓋天下之至重也舊制提牢月更主事一
人至是宏治庚申之十月而予適來當事夫子天下之
至拙也其平居無恙一遇紛擾且支離厭倦不能酬酢
况茲多病之餘疲頓憔悴又其平生至不可強之日而
每歲決獄皆以十月下旬人懷疑懼亦多變故不測之

虞則又至不可爲之時也夫其天下之至繁也至猥也
至重也而又適當天下至拙之人值其至不可強之日
與其至不可爲之時是亦豈非天下之至難也以予之
難不敢忘昔之始於此者將求私淑之而應壁舊無題
名搜諸故牒則存者僅百一耳大懼泯沒使吾人之善
惡無所考徵而後來者益以畏難苟且莫有所觀感於
是迺悉取而書之廳壁雖其旣亡者不可復追而將來
者尙無窮已則後賢猶將有可別擇以爲從違而其間
苟有天下之至拙如予者亦得以取法明善而免過愆
將不爲無小補然後知予之所以爲此者固亦推已及

物之至情自有不容於已也矣宏治庚申十月望

重修提牢廳司獄司記

宏治庚申七月重修提牢廳工畢又兩越月而司獄司成於是餘姚王守仁適以次來提督獄事六監之吏皆來言曰惟茲廳若司建自正統破敝傾圯且二十年其卑淺隘陋則草創之制無尤焉矣是亦豈惟無以凜觀瞻而嚴法制將治事者風雨霜雪之不免又何暇於職務之舉而奸細之防哉然茲部之制修廢補敗有主事一人以專其事久壞不理吾儕小人無得而知之者獨惟拓隘以廣易朽以堅則自吾劉公實始有是吾儕曰

觀其成而身享其逸劉公之功不敢忘也又曰六監之囚其罪大惡極何所不有作孽造奸吏數逢其殃而民徒益其死獨禁防之不密哉亦其間容有以生其心自吾劉公始出已意創爲木閑令不苛而密奸不弭而消極桎可弛縲綬可無吾儕得以安枕無事而囚亦或免於法外之誅則劉公之功於是爲太小事微而謀豈無能爲也敢以布於執事實重圖之於是守仁旣無以禦其情又與劉公爲同僚嫌於私相美譽也乃謂之曰吾爲爾記爾所言書劉公之名姓使承劉公之後者益修劉公之職繼爾輩而居此者亦無忘劉公之功則於

爾心其亦已矣皆應曰是小人之願也遂記之曰

劉君名連

字廷美江西鄱陽人也由宏治癸丑進士今爲刑部四川司主事云宏治庚申十月十九日

前明刑政歸於廢衛殘刻羅織無所不至其時刑

部權甚輕而獄之繫歲仍以萬計現在刑監所收

僅二百餘人從前至多亦不過六七百人然後歎

我朝列祖列宗立法寬厚有以

培億萬年有道之長也陽明先生提牢廳題名記

愷惻慈祥用意深厚最宜詳翫後一記係不得已

應酬之作以名賢手筆並錄之且略見明代監制

惟提牢一職明史職官志不載豈因爾時係一月

一更無專職歟俟考

人生仕宦別官衙可久任惟提牢祇此一年若因循遷就退方便而不爲在已失眼前善在人無去後思豈非寶山空回哉况治獄有陰德者天之報施又未或爽顧視人自勉何如耳

提牢備考卷四終

提牢在西曹爲衆獄關鎖要地事例煩雜乃向無成書
卽前人所立章程亦半多散軼初任每一切茫然遇事
罔知所措迨稍覺熟悉而又將去任矣翹知其弊搜輯
數年始克成帙顧以早歲孤苦兼值亂離失學昧道於
古作者體例全未有聞凡冊中竊附贅言皆隨筆札記
直抒胸臆不敢稍存矜飾閱者略其文諒其意可矣至
於舛錯遺漏知所不免補闕匡謬望諸來哲舒翹又識

重校正本